

Atención a la diversidá Actividaes d'ampliación

(P. 97 - 99) Lleer pa entender

1. Infórmate sobre les creyencies al rodiu de la nueche San Xuan: enramar les fontes, cambiar preseos y trastos de sitiu, coyer la rosada, quemar la ropa vieyo na foguera... Entruga na to familia, a ver si saben dalgo más. Si nun t'informen en casa, consulta dalgún llibru de los que t'indique'l profesor/a.
2. Escribi lo que te cunten y depués esplica-yoslo a los collacios.

(P. 100 - 105) Falamos y escribimos

1. Recorta semeyes del periódicu o de revistes. Inventa pa elles un pie de foto. Inventa una noticia rellacionada cola semeya.
2. *Programa de fiestes.*
Fíxate na información qu'apaez nesti programa de fiestes que t'amosamos
Xuntáivos por pareyes y preparái un programa de fiestes (cumpleaños, fin de trimestre, fiesta en casa d'un amigu, acontecimientu deportivu...).



I. E. S. Isla de la Deva
Avda. Principal, 33
Piedras Blancas
33450 Castrillón

IES ISLA DE LA DEVA / PIEDRAS BLANCAS

Día de les Lletres Asturianes

Programa d'actos

10.00: Recital de poemes polos alumnos/es de 1ª d'ESO
10.30: Teatru. *Xicu'l traperu*, polos alumnos/es de 4ª d'ESO
11.00: Música del grupu Esparavientos
12.00: Espicha nel patiu.

¡Nun faltés!

Sitiu: Sala d'Actos del Centru

Día: 5 de mayu de 20...

3. Inventa un menú pa una fiesta de cumpleaños. Escríbilo nuna tarxeta asemeyada a esta.

Primero anotái n'enceráu nomes de platos que vos presten.


III Campeonatu de Fútbol-Sala

Espicha

Pataquines picantes
Croquetes de xamón
Güevos cocíos
Llacón cocío
Pitu al ayu
Tortíella de pataques
Bocadinos de quesu Afuega'l Pitu
Aceitunes

Postre: arroz con lleche
Sidra y refrescos.

4. Escribi una invitación p'asistir a dalgún de los actos programaos na fiesta. Fíxate nel modelu.



5. Escribi una nota con tolo que tienes que mercar pa organizar una fiesta de cumpleaños.

(P. 106 - 107) Reflexonamos sobre la llingua

1. *Llueven palabres*

Equí tienes delles palabres p'ayudate a discurrir. Completa esti bastiazu de palabres rellacionaes coles fiestas y celebraciones. Puedes buscar otres nes llectures d'esta unidá.

2. Inventa oraciones usando palabres de les que traen les nubes.



ilesia
prau rifes capiella
ramu procesión
cantares tómbola
xuegos
convidaos



baillar
cantar
cortexar
refalfiar
cantar



folixeru cantarín
namoráu gayasperu
enredón
frayáu
fartón

2. Titulares

Copia titulares de noticias de prensa que seyan oraciones simples. Sorraya'l nucleu del predicáu con azul y los complementos del verbu con coloráu.

(P. 108 - 109) Ortografía

1. Inxerta estes frases con contracciones n'oraciones inventaes por ti:

Coles comíes.
Pela cai.
Na fiesta.
Pal día.
Pelos caminos.

Exemplu: *Merqué un traxe nuevu pal día la fiesta.*

(P. 110 - 111) Averámonos a la Lliteratura

1. Dramatizái'l fragmentu de teatru de Daniel Glez.-Nuevo Zarracina.
2. Ellaborái por grupos un programa de teatru pa da-y publicidá a la obra que lleistis nel testu. Podéis face-lo en forma de dípticu.

Tienen qu'apaecer estos elementos:

-Títulu de la obra.
-Sitiu de representación.
-Día.
-Hora.
-Director.
-Actores y actrices.
-Resume del contenú.
-Dalguna ilustración.



(P. 112-113) Llingua y sociedá

1. Aldericái sobre la conservación y hixene de los alimentos:

-Conservación n'otres dómines: fresqueres, olleres, salazones, embutíos, les neveres y l'arcón conxelador.
-Importancia de mirar les etiquetes: composición, fecha de caducidá, etc.
-Alimentos delicaos: dulce, crema, güevos, pescáu y mariscu...
-La necesidá de llavar bien la verdura.
-Problemes que presenta'l branu en cuanto al consumu de dellos alimentos.
-Enfermedaes relacionaes cola inxestión d'alimentos en mal estáu: salmonelosis, alerxa, gastroenteritis...

2. Xuntáivos en grupos y facéi un mural onde se traten aspectos relacionaos cola conservación d'alimentos. Pa ello consultái periódicos atrasaos o facéi un siguimientu de la prensa una selmana, y buscái noticias relacionaes con esti tema.

3. Facéi un trabayu monográficu sobre dalgún de los temes anteriores.